



**Quæstionum Canonicarum, In Quinque Libros  
Decretalium, Tomus ...**

In Librum I. Decretalium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

§. II. An Regulares subsint legi jurisdictionis Legatorum Papæ?

---

[urn:nbn:de:hbz:466:1-73031](#)

punitio, & absolutio; item omnia, quæ spectant ad gubernationem diccesis, ut statuta condere, &c, sic Pereyra in *Elucidario*, n. 196. Idem habet glossa in casu c. Si ex *Laicis*, 10. q. 1. ibi: lex jurisdictionis est, qua Episcopus potest Clericos ordinare, altaria, Ecclesias, & Virgines consecrare, corrigere, suspendere, cognoscere de causis civilibus, & criminalibus; & generaliter ad suam jurisdictionem pertinet, omnia Sacra menta conferre. Lex autem diccesana, secundum Pereyram cit. est ea, quæ consistit in recipiendo, id est, quæ statuit de his, quæ sunt conferenda Episcopo, & ab ipso sunt recipienda v. g. Cathedralicum, quarta funeralis, visitatio annua, &c. Et juxta gloss. cit. ibid. lex diccesana est, qua Episcopus recipit Cathedralicum (tertiam scilicet, vel quartam partem decimationum, secundum diversas consuetudines) & qua vocat Clericos ad Synodum, & exequias, &c. his præmissis:

### §. I.

*An Regulares subsint legi diccesanae, vel jurisdictioni Ordinariorum?*

1287. **R**esp. Regulares, jure communi exempti esse à lege diccesana Episcopi; non vero à lege jurisdictionis, nisi speciali privilegiò sint muniti; sic Thomas Sanchez l. 6. consl. c. 9. d. 1. n. 8. & complures alij. Prima pars quoad exemptionem à lege diccesana habetur in 10. q. 1. c. Si ex *Laicis*. 1. ubi dicitur, omnes Ecclesias, preter Monasteria, subesse Episcopo quoad legem diccesanam, & quoad legem jurisdictionis; Monasteria tamen exempta esse à lege diccesana; & hoc in favorem Religionis; non tamen à lege jurisdictionis, ut habetur in c. *Interadicimus*, 16. q. 1. sic gloss. ibid. in casu, simul addens, eandem exemptionem competere capellis Monasteriorum. Idem habetur c. *Inter cetera*, 10. q. 3. ibi: Monasteriorum tamen basilicas ab hac solutionis pensione sejunctis; ubi gloss. V. *Solutionis*, ipsa enim monasteria, inquit, à lege diccesana sunt exempta, tum vi cit. textus; tum vi c. Cùm pro utilitate, 16. q. 1. c. quam sit, 18. q. 2. Secunda pars (quod Regulares subsint Episcopo, quoad legem jurisdictionis (nisi sint

exempti) constat tum ex primò dictis, tum ex c. Cùm venerabilis, 7. de Relig. domibus, ubi habetur, Episcopum, potentem Ecclesiam quoad spiritualia, & temporalia, obtinere in spiritualibus, eo ipso, quod probet, esse in sua diœcesi, si non appareat exempta; sed in temporalibus succumbe re, nisi aliter doceat de jure suo, & c. Cùm dilectus, 8. eod. ubi dicitur: monasterium subiectum esse Episcopo, in cuius diccesis situm est, nisi probetur exemptum.

Advertendum autem, hoc (quoad subjectionem, Episcopo, ac Ecclesiæ Cathedrali debitum (procedere solum de Monasteriis, vel Ecclesiis sitis in diœcesi, & non exemptis. Unde, si aliqua Ecclesia, non Cathedralis vendicat sibi jus in alia Ecclesia, obtinebit solum quoad ea, quæ probabit sibi deberi præscriptione, vel alio legitimo modo, ut expresse definitum est in c. *dilectus*, 2. de capellis monachor. Hinc Parochus, ex hoc præcisè, quod aliqua Ecclesia sit in intra fines Parochie, nullo fundamento juris, illius subjectionem prætendere potest; cum textus, concedens Episcopo, & Ecclesiis Cathedralibus, jus in Ecclesiis in diœcesi sitas, expresse id neget ex hoc titulo Ecclesiis non Cathedralibus.

### §. II.

*An Regulares subsint legi jurisdictionis Legatorum Papæ?*

Pro resolut. not. 1. Legatos Papæ alios 1289. esse, qui dicuntur *Legati à latere*, & hi spectato usu, & stylo Romanæ Curiae, sunt soli Cardinales, quando mittuntur à Papa cum officio legationis; dicti à latere, quod semper assistant Papæ, eique sint a consilijs, habentes, cum eos Papa mitit, cæteris Legatis majorem potestatem, c. Si Abbatem, de elect. in 6. alios, qui vocantur *Legati nati*, propterea, quod nascentur cum officio legationis, hoc est, quod habeant dignitatem Ecclesiasticam, cui officium legationis annexum est, cuiusmodi est Archiepiscopus Cantuariensis, Salisburgensis, &c. alios demum, qui nec sunt à latere, nec nati, qui dicuntur *Legati missi*, & Nuntij Apostolici. Si tamen alicui, non Cardinali, sed Nuntio tantum, daretur facultas Legatorum de latere

latere in sua commissione, eo casu posset omnia, quae Legatus de latere, ut dicemus alibi.

<sup>1290.</sup> Not. 2. Legatos Papæ, esse *Judices Ordinarios* in provincia suæ legationis; & jurisdictionem eorum esse ordinariam, ut dicitur c. 2. de offic. *Legati* in 6. junct gloss. *ibid.* (cùm eorum jurisdictione sit potestas publica, quæ alicui ex proprio munere, vel officio competit; hoc enim sonat jurisdictione ordinaria, ut notat Pereyra in *Elucidario* n. 1185.) sed extraordinariè competentem; cùm non sit à jure deputatus certus locus pro Legato, ut observat Panormit. c. 1. de offic. *Legati*, n. 3. his positis:

<sup>1291.</sup> Ad questionem factam responderet Henriquez l. 7. de indulg. c. 25. n. 3. Regulares exemptos à jurisdictione Ordinarij, etiam exemptos esse à jurisdictione Nun-tij Apostolici: alij volunt, eos nullatenus exemptos à jurisdictione Legati Papæ; sic Romanus, & alij apud Sanchez l. 6. consil. c. 9. D. 1. n. 17. alij docent exemptos à jurisdictione omnium Legatorum, etiam de latere; sic Tabiena V. *Exemptus*, & Rosella apud eundem n. 6. Ancharanus c. 2. de V. S. in 6. not. 3. Horum sententia suadetur ex eo, saltem quoad illos, quibus exemptione data est à jurisdictione omnium, vel quorumcunque Ordinariorum, aut sub verbis: omnino exempti. Si enim sunt exempti à jurisdictione quorumcunque Ordinariorum, eo ipso etiam exempti sunt à jurisdictione omnium Legatorum, etiam de latere; nam & hi sunt ordinarij, ut dictum est n. 1290. & si illis subessent, exenti non forent omnino; qualiter id habet Societas nostra.

<sup>1292.</sup> Sanchez tamen cit. n. 19. censet, non obstante privilegio exemptionis etiam sub illis terminis dato, Regulares esse quidem exemptos à jurisdictione Legatorum, qui sunt nati tanum, vel missi; non tamen ab horum, qui sunt de latere, cuius resolutio sumitur, 1. ex c. *Si Abbatem*, de elect. in 6. ubi dicitur: quod, si Abbas, Papa immida-tè subjectus, eligatur in Episcopum, nemo possit ei dare licentiam, deserendi monasterium, nisi Papa, vel Legatus de latere, ratione statim annexa, quia hic potest praeditas exemptorum electiones confirmare. 2. ex c. 1. de V. S. in 6. ubi dicitur, quod, quando Papa recipit aliquos in proprios filios,

non videatur per hoc concedere exemptionem; sed, quod non possint ab alio, quam à se, & à Legato de latere excommunicari; quo, ut ait Sanchez cit. Papa in privilegijs exemptionis ab Ordinarij, videtur purificate sibi Legatum de latere, ut scilicet in illis non excludatur jurisdictione ejus, nec sua.

Hæc sententia P. Sanchez est valde probabilis ex cit. c. *Si Abbatem*, ubi etiam ad-ditut, hujusmodi Legatum majus omnibus, post Romanam Pontificem, in Provincia-sibi decreta, imperium habere, & Archie-piscoporum, Episcoporum, & exemptorum electiones posse ex officio confirmare; secūs Legatos alios sine speciali commissione: li-cet contrarij dicant, textum procedere solū de casu expresso.

### §. III.

*An Regulares exempti subjiciantur legi jurisdictionis Ordinariorum quo-ad punitionem?*

**Q**uestio procedit pro casu, quo tales <sup>1294.</sup> delinquunt in loco non exempto, pro quo videtur indefinitè affirmandum. 1. ex Trid. sess. 6. de reform. c. 3. ubi dicitur, nullum Regularem, extra monasterium degentem, etiam sui Ordinis privilegij prætextu, tutum censeri, quod minùs, si deliquerit, ab Ordinario loci, tanquam super hoc à Sede Apostolica delegato, secundum canonicas sanctiones visitari, puniri, & corrigi valeat. 2. ex c. *Volentes*, de privileg. in 6. ubi habetur: exemptos, ratione delicti, contractus, aut rei, si haec sint initia, vel sita in loco non exempto, con-viendos coram Ordinario; quod c. in Trident. sess. 7. de reform. c. 14. non modò confirmatur, & innovatur, sed etiam extenditur, ut procedat etiam in civili-bus causis mercedum, & miserabilium per-sonarum. 3. ex cod. Trid. sess. 25. de Regularib. c. 14. ubi dicitur, quod Regularis exemptus, delinquens extra claustrum, si à Superiore, instantे Episcopo, non puniatur, possit ab Episcopo puniri. Loquitur autem de delicto ita notorio, ut populo scandalo fit.

Nec juvat, si cum Cajetano, Navarro, D. Antonino, Sylvestro, & alijs apud Sanchez relatis, l. 6. consil. moral. c. 9. D. 1.